

雍 正 五 年 重 續

風 雨 雲 龍 水 火 山 石



重續定襄縣志叙

邑之有志所以攷往俟來撫虛証實
著旌別昭勸懲勵人心而振風俗咸
於是乎在志之爲義甚重哉襄邑舊
無志有之自邑人處士劉紹先始奈
其義多滲漏且無定裁垂數十年有

定襄縣志

叙一

無極安公起而纂輯之視舊志爲加
詳而梗概乃定焉迨萬曆四十年豫
章王公重爲整修殘缺者補遺失者
序總核舊志益以新裁遂儼然爲一
邑成書後越九十餘載至康熙五十
一年珠崖王公復續而潤色之去贗

存真奕繁潤藻祖述麟經而神明其
意其義嚴其詞贍其事周詳而明備
稽地理則山川形勢瞭如指掌也考
建置則縣治規模燦若列眉也論田
賦則土地之肥瘠戶口之登耗炳若
日星也而且壇壝祀典之嚴明官師

定襄縣志

叙二

人物之紀載灾祥藝文之畢錄煌煌
乎雲漢爲章誠一邑之鉅觀矣哉然
越今又十六載餘矣其間天時人事
之變遷沿革損益之遍嬗所爲昔未
有而今爲創昔已故而今復新者每
月異而歲不同焉倘及今勿紀延之

既以文獻凋零後有作者勢必名存
失實信疑參半未免有決裂紕謬之
患余以冀北庸流承乏襄宰每披閱
往牒盱衡時事不禁切續貂之志顧
其事或有欽遵

上諭而爲

定襄縣志

叙三

皇仁所由推者或有奉自
憲裁而爲

功令所宜守者或則有裨於國計民
生之大或則有關於倫常風化之原
或則氣運之隆特有邁於往古或則
人情之變宜昭戒於來茲何者宜捐

俸以倡修何者宜設法以補救諸凡
事類不一而足四載以來夙興夜寐
既謀於同復斷於獨固不敢好大喜
功於事之可以仍舊者過爲紛更亦
不敢怠惰偷安使事之宜整於今者
姑爲因循謹於簿書之暇與邑之紳

定襄縣志

叙四

士叅互考訂續著爲書其要總歸於
勵人心振風俗以期與安王諸君子
前後相印則庶可無愧厥心並可告
無罪於襄民矣是爲叙昔

雍正五年歲次丁未孟夏朔日

勅封文林郎知定襄縣事益津王會隆

盛斯氏題於公署



定襄縣志

叙五

定襄縣舊志叙

夫志寓治理也治理者何宜土俗也恤民瘼也紀興
革也明祭統也昭成憲也樹芳軌也考文物也匪志
莫寓志可缺焉不講乎曩子奉命來治定襄襄舊無
志嘉靖末邑人劉紹先採集故實第專而弗通繁而
弗理且缺而弗備質之治理焉未也越今歲己卯政
暇乃造里大夫張君及傅劉二春元問焉曰孔子謂
祀宋不足徵也文獻不足故也文不足獻任之子家

定襄縣志

叙

一

食時嘗纂予極志以備缺典今襄志之缺三君子謂
何僉曰二百年餘曠典也幸斯文主張敢不贊成遂
綜核古今延訪物議考訂謬誤補綴漏遺定為七卷
曰地里曰賦役曰建置曰秩祀曰官業曰人物曰藝
林事按舊編義裁新例去取精於決擇是非協之輿
論公而通秩而理詳而備蓋範今垂後勿疑也合而
觀之辨川谷之勢則土俗可宜酌盈縮之數則民瘼
可恤考創建之原則興革有據達祈報之義則祭統

可明遵憲以迪哲則循良媲美繼軌以思齊則俊髦
彙征以至徵文以稽蹟陳詩以觀風將金石之遺日
月輝煌倡和之節民物熙恬矣一展卷間而治理之
效如指諸掌其有裨茲邑豈淺鮮哉既脫藁捐俸付
梓人三閱月而告完事予慶其成也謹述其意于首
簡以告襄人且以告夫繼令者云昔
萬 已卯知定襄縣事無極安嘉士譔

重修定襄縣志叙

襄之有志也自己卯無極安公始徵之矣先是世廟末逸士劉紹先掇拾郡乘之舊益以所聞見次第其事藏之且久而未有定裁安公取而潤色之而一邑之志乃成志地理則無恤之雄圖可馮而吊也志賦役則瘠土之窶氓可撫而有也志建置則規制之大畧可拓而飾也志秩祀志官業則事神治人之義可縷而指也志人物志藝文則徵文攷獻之故可學而

定襄縣志

叙

識也混沌之習剖為文明襄之山川神靈咸嘉賴之固一時甚盛舉也第簡裘弗清謐繕且惡而諸所紀載亦多畧而弗賅存而弗核如晉太傅劉殷誤為襄人猶曰忻襄舊相屬也乃漢冠軍侯霍去病博陸侯霍光反遺而未錄山川無恙亦率有存亡它可知耳豈事難於創始作者不任誤遺而義無取於襲訛述者何妨洗刷矧時閱數十載之久中間新故之相推損益之相乘沿革之殊勢質文之互變日異而月不

同又非復疇曩之梗概矣嘗試為之卒業不覺有揮毫吊古之想爰自奉璽書臨蒞以來日諮訪鄉紳故老間得於所聞輒記諸頴楮思一旦更而為之猶存乎見少也頃者再從玉帛之會而還計瓜期將及非稍一折衷而更鑄之前念終成虛矣始聚二三文學共相揚扞裒輯而授余余不厭紬繹為之去瑕葺敝加以新裁增所未有或謀於同或斷於獨筆削其文詞庚置其卷帙益以災祥志備修穰者之採擇三閱

月而告竣雖於舊章多所決裂然釐正增損總歸於斥贗存真以無謬於是非之實而止則安公之意且得余始暢祀宋之歎可無作矣付之剞劂氏以俟將來斯亦一方文獻得失之林也乃余則尤有深計焉今夫家督總一家則自內及外垣屋蓄畬以逮窖廩孳畜亞旅奴僕之屬靡不時時料理息息補救稍未就緒汲汲焉忘日夜廢寢食而圖之猶慮瘠耗偶偏失其故也所云不愧家兒者類若此况提有四封之

內者乎又况瘠疲如襄而可不時為之致念乎蓋嘗
歷覽疆域周察風土而知其地非有沃衍之澤也其
民非有蓋藏之富也其俗又非有敦龐不變之風也
故得其治則歡欣鼓舞人有樂生之心不得其治而
疾首蹙額轉徙立至矣守土者奈何不念及此也念
之此其時矣此建置田賦余毅然與之更始每篇之
中三致意焉皇天后土實式臨之即起安公印可於
一堂不知幾為躊躇幾為太息而余能一日忘襄民

定襄縣志

叙

二

乎哉後之君子以愛一家之心愛此一方民要於厚
下無務必同期在便國不嫌因應天子前席而問蒼
生執此臚列陳之豈惟襄之凋瘵庶幾有瘳將文治
之隆永底無斁斯志之作又奚翅僅僅傳信已也余
且藉手為襄人歌樂利於無窮耳

萬 丙辰知定襄縣事豫章王立愛撰

續修定襄縣志叙

方今

聖天子在上車書一統薄海內外十五省廣袤幅員無遠弗屆其間若郡若州若縣綦布星羅莫不有山川形勝官師人物之志流鴻彩於盛明揭懿徽於封域蓋省郡州邑之有志猶國之有史也史氏代有專家援引幽邃程量謹嚴苟泝祖述麟經而變通其義不足以鳴於天下後世故史遷作史記尚黃老而齊孔

定襄縣志

叙

壹

墨羞負賤而羨富貴識者譏之司馬光資治通鑑允稱良史然義利稍偏有紫陽綱目而始正史學之難固如是乎况晉乘與魯春秋同出一時六卿三晉之事編次臚列悉載左國定襄雖三晉之一彈丸黑子典籍依然老成猶在統志所不能備者分著郡志郡志所未盡收者獨詳縣志志豈易言哉襄舊志無傳傳於邑逸士劉紹先掇拾滲漏垂數十年無極安公錄而纂緝之又數十年豫章王公斐蕪潤藻遂成一

邑之書亦云偉矣顧自明萬 丙辰迄今九十有七
年時移代嬗迭經變遷而志仍舊文慮無以備觀覽
昭勸戒時炯以海表書生承乏襄宰披閱往牒流連
者久之不禁喟然歎曰釋今勿徵後將失實舉凡風
俗之 淫人才之枯苑戶口之登耗賦稅之盈虛文
獻凋零信疑參半即遠攷他書近諮街談巷語而十
得六七未免決裂紕繆每從簿書餘暇籌蹠再四圖
有以續之而日坐風塵鞅掌中勞勞俗吏有志未遑

定襄縣志

叙

貳

恭值

今上御極之五十一年蠲賑頻施湛恩汪濊熙熙然皞
皞然擊壤歌衢共樂堯天舜日守茲土者敢不黼黻
太平珥筆以備輜軒之采乎爰進邑之紳士耆宿旁
按舊乘徧討遺編凡稗官野史斷碣荒碑咸蒐羅折
衷以求歸於確當兼得邑明經牛翰垣手鈔志彙參
互印證三閱月而續志以成按舊志衷次八卷今悉
因之如輿圖星野前帙已備畧加釐訂而田賦異其

則戶口殊其數邑有壇壝則經界宜清也試有利額則選舉宜詳也學校以崇教化城垣以固封守忠孝節烈與日月而爭光詞賦詩歌紀休明而罔替他如祭器兵防屯田水利一切祥瑞災禳風尚物產之屬歲久舛訛又安可任其湮沒荒墜乎惟當新舊志絕續之交使徒挾繁氣生才臆決而影附則沈洋自恣易掠浮響之詞所幸紳士耆宿皆考究根極之儒錯錯然元本不已裁浮闢謬存信闕疑而予才識踈庸

定襄縣志

叙

卷

學殖荒落亦復漫試校讎芟削雷同撰摺窠臼雖不敢謂無一挂漏而孜孜矻矻網舉目張若與曩時安王二公後先相符異代同心焉嗟嗟士人策名清時罕所樹立甚者舉平生所誦習而弁髦之服古入官之謂何時炯夙承家君庭訓此來萬里孤踪兢兢以清白自矢六載拮据日惟覆餗素餐是懼尚能稟經酌雅援古訂今揆是非之正協褒貶之宜以爲邑乘光乎然襄固并冀故地歷傳爲秀容爲晉昌因革隨

時而叢蒙峙其南滹沱環其北西拱藍阜東枕牛臺襟山帶河儼然金湯之勢且才人傑士接踵比肩載在史冊班班可考繼此者蜚英翹秀以待薪樵之用方諸古人何多讓耶獨其地逼雁雲俗雖儉民之蓋藏絕少良用慨然昔朱子詩註云晉地土瘠民貧勤儉質樸猶有陶唐氏之遺風自在後之賢有司節而愛之以上報我 國家以道化成之效下庇此邦人飲和食德之長顧名思義予敢避續貂之誚乎哉嘗

定襄縣志

叙

肆

康熙壬辰知定襄縣事珠崖王時炯撰

定襄縣志目錄

凡例 十四條

圖 六

第一卷地理志

沿革 星野 疆域 形勝 山川

都里 烽堠 水利 墳墓 古蹟

集場 風俗

第二卷建置志

定襄縣志 目錄

城池 縣治 學校 公署 枋楔

舖舍 橋梁 兵防 茶房

第三卷田賦志

戶口 地糧 徭役 里甲 郵傳

課鈔 匠役 屯田 物產

第四卷秩祀志

壇壝 寺觀 祠廟

第五卷官師志

守臣 知縣 縣丞 主簿 典史

教諭 訓導 巡檢 倉大使 訓術

訓科 僧會 道會 部使 名宦

第六卷人物志

薦辟 鄉舉 進士 鄉貢 應例

掾屬 武功 武舉人 武進士 世襲

封贈 恩廕 鄉賢 孝義 節烈

隱逸 流寓 僊釋 賓耆 老農

定襄縣志 目錄 二

第七卷灾祥志

災異 祥瑞

第八卷藝文志

碑文 墓祭文 詩詞

目錄終

重修定襄縣志凡例

一舊志創始於無極安公掇拾郡乘之遺手披成帙後豫章王公銳志重修彙為八卷視舊志加詳云然自萬 丙辰以迄今茲將近百年其間睹記闕畧非遠稽近攷後雖有好學嗜古之士其湮沒者多矣余不揣仍訂八卷體裁義例悉遵舊志而姸鄙空疎不足備史氏之一嚮也

一志例首列疆域山川重形勢也如古蹟坵墓不

定襄縣志

凡例

過附載以備觀覽若都里若河渠所關甚鉅分沃瘠而定額察原委以錯規與民請命不憚再三或不無小補云

一修繕城池敢云善政然未雨綢繆士民永賴富輸財而貧効力踴躍爭先亦千載一時也故於舊志為較詳

一戶口田賦為 國家重務寧詳毋畧蓋襄邑僻處山陬粟麥而外所產無幾編審詳核民力寬

舒庶動牧人之撫恤乎

一學校所以正人倫祀典祭儀皆不可闕廼相沿日久不特祀典荒陋祭儀亦有不可問者今特捐俸照例增設虔肅將事用光祀典

一選舉自甲乙榜而外以及恩拔歲貢其年代可攷者悉附本名下

一官師著績一時垂憲來禩固不敢妄加評騭其不盡削者仍舊志也至近代循良亟宜登錄

定襄縣誌

凡例

二

一臺使監司無論久近必書名者經濟碩畫今後之人得有所攷名實並傳不朽也故仍之

一名宦鄉賢事蹟行誼儘堪分載舊志列名宦於官師列鄉賢於人物亦足表章毋取乎另標也

一武科甲列名人物以舊志合武職武功為一卷故不移入選舉

一封贈 國恩也其存其沒並有榮施凡得與科名者以本身得封典如諸生布衣受封者以子

孫得封贈舊志並載命婦今悉因之

一孝義節烈維植天常並流峙而光日月能使人

感發興起其有闔學鄉保公舉者訪確畢登

一藝文率多增入者以鴻篇麗句不可漸滅諸無

關於地方者又不在此例

一風俗古今互異雖民自趨時蓋亦由政教焉畧

載時弊凡以云救也

晉昌令王時炯識

定襄縣誌

凡例

三

五臺界

東五臺界

東南孟

北縣境總圖

東

界縣

北嶂

縣孟南




縣界

西北嶙

縣忻州界

都里之圖

定襄縣誌




忻口鎮

城


西忻州界

圖



石嶺關

西西南忻州界



陽曲界



辛庄都

青石都

牛臺都

高蔣都

趙村都

胡桃原都

劉暉都

王村都

待陽都

山鳳上都

縣




定襄縣誌

圖

縣城之圖

東關

古城跡




邑厲壇

北

小南關

關 漏澤園



風雲雷雨壇 大南關

西關

社稷壇

演武場


古城跡

定襄縣志

圖

三

縣治之圖



遠寧

宅

後

庫

正

儀

頭

晉古

花廳

宅

廳

捕衙

土地祠


賓館

東戶禮

定襄縣志
縣學之圖

圖

四



明倫

先師

廟

文

新齋

正齋

東廡

啓聖祠

名宦祠

公廨

西房

神獄

井


政贊

兵刑工

獄

武庫

昌坊



定襄縣誌

圖

五

前修志姓氏

定襄知縣無極安嘉士纂修

邑逸士劉紹先採輯

定襄知縣豫章王立愛增修

邑舉人梁 綵

薄匡宇仝校

續修志姓氏

定襄知縣珠崖王時炯重修

儒學教諭馮士儼

儒學訓導王鑑

典史胡禮乾

邑舉人薄鳳儀

薄而堅

邑貢生牛翰垣 韓玉珍採輯

薄雯翔 張天植

張翹 薄浩

定襄縣志

圖

六

郅景雲

邑監生薄湑 張芳聲

邑諸生吳佺 張二酉

牛亮之 李世昌仝校

王揆

重續志姓氏

定襄知縣益津王會隆續修

儒學教諭樊度中

儒學訓導荆益祺

典史徐文濬

邑舉人薄鳳儀 薄而堅

馬 驤 薄 經

張天彝 鄭 相

定襄縣誌

圖

七

石如玠

邑貢生梁 壘 張天植

王 揆 張 翽

邑監生張岫雲 張芳聲採輯

邑生員李世昌 郭 瀚

樊 翰 韓齊黃

薄學之 夏 勳全校

定襄縣志卷之一

地理志

夫履方履者察地形不出戶而知天下其綜覽博也稗官小史耳剽目涉猶有風土之記方制之載親蒞茲土而弗能舉其籍胡以自鏡也余攷定襄於晉為邊土疆域至弱小也非有形勝之固可難棲季之犯然自晉趙以來號令凡九嬗遞因遞革遞守遞據焚然多變則簡子之故堞足睹記矣天

定襄縣志

卷之一

地理一

官所稽分野纏度且不能合况其它乎居今之世志古之道異同有間矣作地理志

沿革

定襄古冀北之埜舜疆理天下分冀東恒山之地為并州則隸并禹貢復為冀州殷因之則隸冀周成王以封弟叔虞曰唐曰有晉水其子燮更號晉則隸晉戰國時趙襄子滅智伯分晉地三之一屬趙秦始皇併趙置太原郡屬太原漢為太原陽曲



縣地東漢末民為擾他徙其地遂空建安中曹操驅聚塞下流民以實地始置定襄縣屬新興郡魏晉因之惠帝時遷農人楊釗等三千戶於此改晉昌縣屬晉昌郡後魏改秀容縣屬肆州復為定襄與平寇蒲子三縣竝未有城北齊武成河清二年周將楊忠襲并州不克而還遂於古城北面築城置三縣其中移肆州于雁門隋初復立新興郡尋廢開皇十季西移平寇于代州之崞縣省定

定襄縣志

卷之一

地理二

襄復并秀容屬雲州十八年改秀容為忻州大業四年廢州存秀容屬樓煩郡唐初復新興郡領秀容武德元季罷郡復忻州仍秀容二年為劉武周偽將楊長材所據四年大將李大恩討平封定襄王忻秀容復置定襄天寶初改定襄郡宋元祐初復置定襄縣金仍定襄秀容屬定襄郡屬河東北路元仍定襄并秀容竝屬忻州太原明并秀容於忻州仍定襄編戶二十里嘉靖十一年併一十九

里萬 二十一年置中路寧武道遂為三關邊縣

國朝因之隸忻州編戶一十八里

按沿革第據史所載并輯忻志成文舊志漢有定襄太守唐有定襄道行軍總管定襄都督府司馬之類而漢未嘗置郡置府何以稱太守都督且雲州定襄大同志載應翔之地此何以說也忻志金復為定襄郡置刺史屬河東北路及閱官師率云知忻州又何也如一秀容耳或并定襄或并忻州竝難辨別則沿革安能盡合哉史闕文大都類此存而不論可矣

星野

太史公曰趙地昴畢分楚定襄屬趙地則今野當在

定襄縣誌

卷之一

地理三

昴畢無疑其云一度僅管百里天道渺茫何從量度郡志謂太原正當參井縣舊志謂當東井二十八度之間又不知何所攷即日圍于天之下而未可辯也

疆域

定襄在府治東北一百八十里東界五臺縣邊家庄七十里西界忻州北霍村十五里南界陽曲縣岔口二十五里北界崞縣橫道鎮三十里東北驛路經紫

荆關至北京，百里東南驛路經固關至北京一千三百四十里。

形勝

叢蒙山峙其南，卧虎山踞其北，東枕牛臺，西拱藍阜，牧馬水前，滌澤沱水後，繞襟山帶河，儼然四塞之國，誠一方保障而三關鎖鑰也。

山川

虎頭山 縣治西南三十五里，以形名。

定襄縣誌

卷之一

地理四

紅泉山 縣治西南三十里，山洞石紅，類硃砂，泉源不絕，故名。御史賈統嘗讀書于此。

叢蒙山 縣治南二十五里，群峯聯絡，至此端聳，春夏雲氣合，輒雨。有雨霽，侯廟景標，蒙山雨霽。

詩見藝文

居士山 縣治東南二十五里，山下泉流，側畔石室，有古碑，剝落詳隱。逸唐王維兄弟嘗讀書於此。

萬三十四年，建塔本山，以巽峰宜文秀，三十七年，偶旱，劉暉村人妄毀之，可歎也。

窰頭山 縣治東南二十五里，穿窰取炭，故名。上有羊腸占。

團城山 縣治東南二十五里，趙盾避難，遇晚，令軍士包土築城，止宿，故名。猶存遺跡。

七巖山 縣治東南十八里，以石洞七，得名。中洞窳奇，為慮，應聖母祠，相傳即為七巖，不知此。

特其一耳深可二十餘丈廣後三之一高河
二丈餘形覆而四垂雖夏旱水滴如散珠不
絕最後一井斗大滴水長注不盈頻取亦不
涸旱禱輒應知縣王立愛題曰惠泉井之上
一小巖更幽窈可愛洞隅而邃正對夕陽恍
然異境又題曰惠泉第一洞天有聯云巖竅
自天開影倒夕陽洞外嵐烟頻靄翠泉流從
石出機涵太極箇中風雨驟興雲景標七巖
恍照詩見藝文右一岩先是土辭忽現巨石
狀如獅好事者因而肖之今題曰獅石巖側
北一巖亦奇今題曰寶符巖取趙簡子藏符
北嶽之義有聯云北嶽幻奇日映巖扉神發
秘南天來爽風
清花底路生香

八峰尖山 縣治東南三十里一山八峯 琵琶山 縣治東南十五里以形名

定襄縣志 卷之一 地理五

紅沙山 縣治東南十五里山沙盡紅故名

武峪山 縣治東南十五里有藏孤臺見古蹟

熊兒水山 縣治東南三十里山故未有水一日熊入
山中人往探之水湧出遂名

暖窰山 縣治東南四十里以氣名士多結屋讀書于
此

武子谷山 縣治東二十里峰巒高峻散客多游賞

五石峪山 縣治東二十里雲合致雨

十八盤山 縣治東三十里盤旋而上一十八轉也故
名

神山 縣治東北十五里平地壘石突兀如盤似所遺
而成元好問嘗讀書于此因號遺山有一丘一

整真堪老且具神山煙景休之向上有佛龕
莫考創始之年霜檐鐵壁迥絕塵俗景標神
山古刹詩
見藝文

聖阜山

縣治東北二十里峻聳秀特舊有高樓可眺
遠今廢下出溫泉有釣魚臺蓮花池五僊洞

仙人足石蓋膝境也水經云潯沱水東流
聖人阜北指景標聖阜危樓詩見藝文

牛臺山

縣治東北三十里李子敬避居于此人號李
牛臺

五公山

縣治東北四十里五僊煉丹於此故名

段木山

縣治東北四十里

青石山

縣治東北四十里

定襄縣志

卷之一

地理六

紫石山

縣治東北三十五里

漆郎山

縣治北三十里即柏樹嶺山洞內刻漆郎像
即豫讓漆身處也洞外石上有足跡馬蹄跡

鐵石山

縣治北三十里其石重黑能吹鉄

大小龍山

縣治北三十里

卧虎山

縣治北三十里

趙老懷山

縣治北三十里

橫山

縣治西北三十里衆山東西此獨南北故名

鳳凰山

縣治西北三十里

龍頭山 縣治西北三十五里

湫沱河水

發源繁峙縣東秦戲山一名孤山列如品字名三泉合王斗泉北樓口華嚴嶺諸水

西流出繁峙縣北經代州崞縣至忻口東折入定襄橫北東流後遶縣治如帶每春時南岸堅冰先泮景標沱水水消詩見藝文河水抵五臺入真定

牧馬河水

發源忻州西南白馬山至牛尾控合諸水出州南東流南環定襄如帶東北入湫沱

河水經云白馬之山牧水出焉即此

雲中水

由安義藍臺經西營羊房村東北入湫沱河俗呼天草河

三會泉

在叢蒙山麓一龍液泉一呂布池一娘娘池並出合流歷四時不涸浸灌數里平蕪一望

定襄縣誌

卷之一

地理七

溫泉

在聖阜山下有三穴長流唐龍翔中嘗賜錦幡幢蓋舊有李治碑記今廢

暖泉

在龍頭山麓夏涼冬暖

甘泉井

在小南門外相傳趙襄子時所鑿味極甘久發今開

惠民井

在西門外正德間知縣張榮穿至今民賴焉

都里

額編二十里後并一十九里後又并一十八里

在城鎮二都

南關都

南關廟

董村 張趙村 舊屬智村 官庄村 舊屬屯

北關都

北關廟

北關堡

小北關

東關

前庄頭村

後庄頭村

城東領五都

王村都

小王村

南西鄰村

北西鄰村

桃原都

崔家庄

王進村

師家灣

河南坪

土嶺村

南庄村

戎家庄

趙家庄

閻家庄

高蔣都

高長村

李子底

白玉溝

定襄縣志

卷之一

地理八

趙家營舊屬屯

牛臺都

鎮安村

芳蘭村

南作村

青石都

牛臺村

馬家窰舊屬

青石都

城南領四都

待陽都

青石村

南澗村

李家庄

劉暉都

陳家營舊屬屯

大南邢村

小南邢村

趙村都

劉暉村

南王村

窰頭村

趙村

白鹿原舊建

保嬰祠門刻

龍故名龍門村

東劉村

東王村

東縣村

百泉橋

炭窰溝

東霍都

中霍村 病別業故名

小霍村

西霍村皆霍去

白家庄 玉池凹

冠村舊有冠村都

城西領二都

西邢都

張村 庄里村

西河頭村 澤里村

西營村

智村都

智村 智伯故里 邢都

長安村

西邢村舊屬西 大揚芳村

南藍臺村春秋智襄子還自衛韓康子魏 桓子趙襄子同宴藍臺有文臺武臺故名 北藍臺村舊屬西邢

城北領五都

定襄縣誌

卷之一

地理九

神湯都

南受羅村 上湯頭村

北受羅村 下湯頭村

向陽村 于家庄

馬房村

林山村

北王都

東作村 高村

南作村 黃嘴村

北庄村 黃嘴村後有黃土岡如牛形

嘴前為村故名

山鳳上都

舊橫山都

橫山村

馬家營

山鳳下都

舊迴鳳都 北林木村

迴鳳村 此地後凋景標

南林木村 秋先詩見

藝文 庄都此地先榮景標季庄春色詩見藝文 閻家庄舊屬季庄都

辛庄都

舊辛安都
辛安村

季庄都分為辛庄都
無畏庄
馬城村

劉念村
嘴子村

大營村舊屬屯

續志曰按襄邑明初編戶二十里後并入寇村於東
霍為十九里

國朝并季庄辛安為一里改名辛庄都又并橫山迴鳳
為一里名山鳳都後分山鳳上下為二里合前共一
十八里考各里土地之肥瘠地湧三泉東霍為最牛
臺智村神湯北王高蔣待陽以次亞焉劉暉北關南
定襄縣誌

卷之一

地理十

關山鳳上又以次亞焉胡桃原王村趙村又以次亞
焉青石西邢漸不及格辛庄斯下矣寇村雖附東霍
與山鳳下之迴鳳村則瘠疲尤甚况出入於天時人
事之間又未可懸定者乎然亦就襄土論次之若與
省南諸土地并較饒瘠恐又非其倫矣是可為襄賦
權衡也

烽堠

智村墩

西古城墩俱西路

東古城墩

玉進村墩俱東路

小王村墩

蔣村墩

芳蘭鎮墩

青石墩俱東北路

智村土堡

縣治西南十五里

張村土堡

縣治南十里

鐔村土堡

縣治南十里

待陽村土堡

縣治東南三里牧水衝毀

劉暉村山寨

縣治東南十里

南王村山寨

縣治東南十五里

東鄴村土堡

縣治東十里

鎮安村土寨

縣治東北十五里至元間恒山軍亂元帥樊天勝築寨於此遷臺州民以避寇

定襄縣誌

卷之一

地理文十

神山村山寨

縣治東北十五里即在本山壘石盤嵒實稱雄鎮

蕎麥寨

縣治東北二十里蔣村勢極峻聳與神山寨隔河相對

砂村山寨

縣治東北二十五里

芳蘭村土堡

縣治東北三十里

牛臺村土堡

縣治東北三十里

青石村土寨

縣治東北三十五里

橫山村磚堡

縣治北三十里

上湯頭村山寨

縣治西北三十里

向陽村土堡

縣治西北三十里

長安村土堡

縣治西十里

藍臺村土堡

縣治西十五里

水利

濬水渠

起湯頭村東遷橫山村經建安合河久廢元好問有記康熙二十一年知縣趙繼普捐俸復開起自忻口蝦蟆石十五里入縣境灌漑上下湯頭向陽村于家庄橫山廻鳳季庄林

木八村縣治前有碑記統見藝文

通利渠

從縣北過砂村至芳蘭村深濶各一丈初開於宋年久湮塞元至正五年復加開濬張惟善記見藝文今廢

北受羅渠

起忻州白村經上下湯頭北受羅于家庄至廻鳳西沙坡

馬房營渠

起下湯頭入馬房營

南受羅渠

起下湯頭入南受羅村

定襄縣誌

卷之一

地理十一

北庄渠

起馬房營北經南受羅入北庄

南庄渠

起馬房營南經南受羅北庄南庄各村竟抵西東作兩村

黃嘴村渠

起代郡經南庄黃嘴竟抵高村

林木村渠

起高村西南經庄頭至林木村合泉水灌稻田

丘村渠

起高村西南經庄頭校尉營入丘村灣

藍臺村渠

起代郡經西營村入藍臺按西營村舊在藍臺北因河決五遷今在南藍臺正東

南關渠

起代郡北經西營西河頭各村入西關

西關渠

起代郡南經羊房村入西關

北關南渠 起羊房村西經古城傍入北關

北關北渠 與南渠並列傍大河東行竟抵石牌灣

神山村渠 起庄頭村經北關王進村師家灣入神山
即通利渠之故源也

王進村渠 從縣北抵師家灣 晉府屯地多賴焉

崔家庄渠 起庄頭經北關入崔家庄淤廢萬
一年知縣王立愛查復開濬有碑記 四十

趙家營渠 起崔家庄北入本村

衛村南渠 起崔家庄經鎮安村南神山村北抵南作
村合牧馬河

衛村北渠 與南渠並行從鎮安村中歷衛村抵管家
營

定襄縣誌

卷之一

地理十二

許村渠 起鎮安村經嘴子馬城各村竟抵劉念村

南作村渠 起衛村西北經管家營入南作村萬
十二年知縣王立愛新開 四

以上引滹沱河水

牧水渠 起元辛未間開自智村南引水入古城由西
鄺村合河大明洪武二十七年忠義坊副使

高茂率巨族按
跡再濬今廢

智村南渠 起忻州北霍村南入智村西

智村西渠 起本村西南入村東

智村新渠 起本村西南入村北萬
王立愛新開 四十一年知縣

西邢村渠 起智村東經西邢入張趙村

張村渠 在牧馬河南岸

待陽村渠 明天啓四年開起張村西北經董村灌待陽村至南西鄜村縣治前有碑記

張趙揚安 村渠 起智村南令歸道經西邢入西營西河頭

鐔村渠 起呂布池合流北抵李家庄分四小渠

南邢村渠 起小霍池經南王南邢待陽各村至趙村合牧河有碑記

中霍渠 起三會水引灌本村

小霍渠 起呂布池引入本村

定襄縣誌

卷之一

地理十三

官庄渠 起呂布池照五分水灌本村有碑記

以上引泉水

所有各渠碑記並詳看立案附載藝文

續志曰襄邑新舊渠錯綜阡陌不下三十有奇或引

濬水或引牧水或引泉水其耕澤澤厥利溥哉然滄

桑迭變遷徙靡常如通利渠向從縣北迤邐至芳蘭

村久經截斷王進村渠向亦直抵師家灣今僅灌本

村而止蘭臺村渠向經西營村今其村屢經河決凡

五遷距故址十有餘里故有昔濬而今淤者有此通

而彼塞者後之視今亦猶今之視昔此中民命攸關
爭端易起願濱渠村落若水之性共利其利無分爾
我疆界可耳

坟墓

周

趙襄子墓

在城東五里周遭四十四畝三分六釐墓
占一十一畝有奇外為學田萬 三十年

間墓傍先後裂墜二孔內皆磚砌空濶如房
磚形薄小其為古制無疑必當日從葬壙穴

耳四十三年知縣王立愛豎碑歲久殘斷康
熙四十七年知縣王時炯重建祭告并查霍

定襄縣誌

卷之一

地里十四

將軍墓經千餘載不惟碑碣無存且墳塋蕪
沒謹按舊跡重封銘石統見藝文

漢

霍去病墓

西邢村西墓地無幾有斷墓碑碑文一千
四字銘一百七十六字中可句讀處起云

霍姬姓今河東定襄之族謂後世漢大將軍
霍君去病冠軍平陽人子死國除博陸之冑

盡于孝義然冠軍數出兵鴈門上郡朔方定
襄豈其有、者存又云將軍同知八番順

元軍民宣撫司事霍君子萬出定襄善騎射
當至元壬午、元酋阿察反收、四川湖廣

雲南三省臣合聲省署君攝千夫長後攻會
靈關破之又云制授武畧將軍順元軍民宣

撫副使久之進同知軍民宣撫司事守武節
金符又云積勤四十年拔幾創始克少有、

見爵跡、諸侯子男秩卑弗獲為太史不
緒厥猷、王父諱、整不仕又云定襄今
忻州所屬邑其族、穀百人以東西小霍
自別又云五里名曰西興里為塋冠軍則世
有廟祀蒙、銘曰風霆伏藏日星煜煌二
儀清寧維、之祥熊咆螭張斷齒奮攫宛而
龍馴維將之良桓、嫖姚盪馳窮荒輪臺之
張慙德武皇維武節君際時興王、樹奇
震深道光從戎西南反側是戕匪黷武為極
其愚狂兵則、義孰其方彼強方持我仁
德將夫惟將之、所剗、夷其塗亦剗其
棘既棘而夷我獲我域夷莫厥居皇善厥德
卉裳冠文歲事納錫肆庸偏裨益贊其職、
歸耒顛毛雪霜飾其孝思有事定襄載藜
嗟哉鏡刊題名、于斯世先塋之光延祐已

定襄縣誌

卷之一

地理十五

未前翰林國史編脩官李洞撰碑內切要及
所叙添派名字殘毀殆盡必奸人私其墓旁
餘地所為恨尋獲之晚未及追窮其故耳繹
思碑義大都去病後代子孫武節君功成之
後刻石于祖塋一以彰先人之舊一以昭繼
述之光前豈其有、者存後其族、穀
百人各鑿毀二字意必為子孫字也博陸侯
霍光乃去病異母弟觀博陸之冑盡于孝義
則定襄之霍為去病子孫可知也叢蒙山一
名蒙尖舊有兩霽侯廟相傳為去病碑云世
有廟祀蒙下毀二字必為尖山無疑其
曰西興里為塋豈古西興即今西邢耶

元魏

爾朱塋墓 林木村

唐

奘墓 龍門村即白鹿原俗呼和尚圖詳僊釋

宋

呼延贊墓 橫山村鎮國寺後舊有碑文今廢

金

孫九鼎墓 青石村九疇九 周鼎墓 南王村元好問撰墓表見藝文

周獻臣墓 附塋鼎側王利 薄松年墓 芳蘭村郭郭撰墓表

元

定襄縣誌

卷之二

地理又十五

甄有墓 東王村秀附塋 張安寧墓 南邢村元好問撰墓表

喬信武墓 辛安村 樊天勝墓 砂村天用附塋

姚榮墓 東古城外廷王 李子敬墓 中霍村

明

部瑄墓 季庄村 賈統墓 寇村

李奎墓 張村 雷澤墓 張村工部侍郎張順撰墓表

吳昂墓 南古城內 禮部侍郎于鳳喈撰墓表

樊濬墓 南古城內

邢 洪墓

喬 震墓 東古城外薊州知州王 遜撰墓誌 通政堂承志撰墓表茂亨附塋編修亢思謙撰墓

誌樊啟東撰墓表

薄 徽墓 芳蘭村喬光大撰墓表

張 偉墓 南邢村大學士徐階撰墓表見藝文

薄 鸞墓 芳蘭村世佑附塋布政使王道行撰墓表

喬光大墓 牛臺山大僕寺少卿王治撰墓誌臨洮知府唐頤撰墓表見藝文

張九晟墓 南邢村王治撰墓表

定襄縣誌

卷之一

地理十六

樊啓東墓 南古城內王治撰墓表

傅納誨墓 南古城內

劉一貫墓 南邢村

鄭東暘墓 龍門村北刑科給事中萬自約撰墓表維周附塋

鄭友周墓 龍門村南

傅應期墓 東南古城內諭德周如砥撰墓志見藝文陶望齡撰墓表

傅新德墓 高長村吏部郎中清源王宗賢撰墓志大學士吳道南撰墓表見藝文

漏澤園 舊在西城水二里許以鹹鹵不堪瘞骨廢棄萬四十四年知縣王立愛改城北舊社稷

壇為之生員李遇春以近宅不便出城東比
鹽房頭地六畝一分六釐易之監有碑壇地
盡准遇春畊為世業舊漏澤園地七十三畝
三分一釐見三園記又為民間侵占今以隆
慶年間少弓清量得六十畝五分六釐除塔
占二畝八分外摘一十畝八分一釐與生員
喬遷樞一十二畝與生員傳新國一十二畝
與生員鄭 兌城西各地改建社稷壇一
十三畝充潤國濟民侯尹鐸廟常住地改給
僧人耕種餘九畝八分九釐並鹽房頭地六
畝一分六釐復為民間侵占康熙五十一年
知縣王時炯詳復原額碑勒治前並見藝文

古蹟

古城 魏土風記云夏后氏築或曰趙襄子又曰石勒
起兵而築相傳通忻州劉家溝屠岸賈洞

定襄縣誌

卷之一

地理十七

呂布池

在中霍村東布捉龍馬于此故名

開門峪

縣治東南十五里一山中分相對如門或曰
趙盾避下宮之難所開攷韓非子曰智伯將
伐仇猶而道難不通迺鑄大鐘遺仇猶之君
除道將力之赤章曼枝諫不聽遂內之赤章
曼枝因斲而驅至於齊七月而仇猶亡
按仇猶即今孟縣故城又為自開

龍血石

在開門峪內趙盾避難出此見前途有龍持
弓射之血染于石至今石紅顯血

豫讓橋

在南邢村南事見流寓橋頭古有廟碑今廢

藏孤臺

在武峪山程嬰藏趙氏孤兒于九原程侯山
諸將索急嬰與公孫杵臼謀取他人嬰兒偽
匿程侯出趙氏孤遠匿于武峪後人號為藏
孤臺舊有保祠唐釋 樊創詳僊釋

劉僊洞 縣治東南五十里詳仙辨

釣魚臺 在聖阜山下李子敬釣隱處

仙人足石 在聖阜祠內石顯一足痕 萬三十八年三月寒冽有數童子偶到山下見一老人

水內澡浴出水自曰冷入水自曰熱浴罷去聞于鄉中聚

祠內轉翻仙人足石向下而

觀者數十人并力翻石乃轉

龍母洞 縣治東北三十里一山石洞口徑僅三尺鞠

身燃燈而入行數步更窄小 幽寂冷：前行始厥豁有龍母像石臺石燈

又二石口深邃莫測但聞水聲風來燈滅鄉人祈雨持磁餅插香其中置石臺上以得水

漬香為響應萬四十三季大旱知縣王立

愛步禱于此使人如俗入祈俄而餅中生水浸香二寸許捧還是日果得大雨三日方止

乃新祠于洞口 扁曰龍母僊胎

石佛洞 縣治東北三十五里山開一石洞石佛一堂

天造不由人工

集場

在城逢單日 芳蘭鎮 逢四八日

中霍村 逢二六九日 橫山村 逢四八日

青石村 廢

神山村 廢

南受羅村 逢二六日 萬三十六年知縣魏從周立

定襄縣誌

卷之一

地理十八

八景

舊志止載詩題中
今特附錄於此

蒙山雨霽

沱水冰消

聖阜危樓

神山古刹

七巖晚照

三霍清泉

以上六景詳見山川

季庄春色

定襄縣誌

卷之一

地理又十八

林木秋光

以上二景詳見都里

續志曰予總角時即有山水癖所至輒流連竟日
然孤懸海嶼足跡無多及長游歷三吳兩浙瞬息
風帆幾令佳山好水笑人寂寂矣今蒞晉昌撫此
地瘠民貧而某丘某壑常在指顧間間以公事身
親其地如聖阜神山七巖三霍皆峰巒巖巖池沼
漣漪差可排俗狀滌煩襟若夫叢蒙紅泉諸名勝
未遑登涉所謂一行作吏塵囂萬斛信然也

風俗

舊志云地狹民貧士多廉耻之守里鮮經營之業
勤稼穡急賦稅服用儉素閭閻謹嚴惟疾病信巫
喪祭用釋婚媾競財猶當約之以正也郡志云務
詩書多稼穡有儉素風此其槩矣邇來人心漸趨
於猾習尚日入于偷鷙悍輕生動以縊毒相圖賴
睚眦必報其以訐告作生涯奸人魚肉善良頑民
慣逋賦稅挾制之風未熄賭博之習難瘳紡織教
定襄縣志

卷之一

地理十九

而弗趨奢華與習漸長江河轉下砥柱安施所幸
文風寢盛質朴未亡冠紳恬雅有餘愚眊鼓腹無
事猶有陶唐之遺焉

續志曰風俗之趨因時而降然波靡習染猶賴賢
士大夫砥柱中流耳舊志無風俗考但列其輕生
健訟數端以為鑒戒不知力挽頽風惟求夫道如
父子析箸何論友昆此孝弟之當求也既子狎娼
何論矜士此禮義之當講也按郡志載襄俗務詩

書多稼穡有儉素風何古今之不相若乎

民業耕稼多商賈士嗜詩書貧者設臯比不知遠

遊木業

士多愿慤不樂奔競間有爭訟者人咸鄙之 地

苦寒寢處必火坑高三尺許人鮮疾病語云床高

免鬼吹鬼吹者地氣侵也近多作矮坑習尚

冠夏涼帽綴紅纓士大夫按級綴金銀帽頂服如

制服飾

定襄縣誌

卷之一

地理二十

冠禮不行已久海內皆然不獨一郡邑也 婚禮

男不出贅女不招婿問名納采請期士庶通用惟

親迎則士大夫家行之 喪禮冠服士民皆純白

三年始除惟士起復遵例二十七月 祭禮士大

夫家作神主間置祠堂然亦寥寥數姓餘俱供私

室依時致祭禮節

立春日食春餅出上牛以畢寒氣 元旦鷄鳴起

冰祀天地祖宗畢拜尊長戚里置飲食邀賓朋彼

此燕會彌月不輟 上元街巷懸燈火通宵扮社
夥或搭燈市屈曲盤旋鼓樂導引士女雜還俗謂
黃河九曲 寒食不舉火祭祖先於墓設鞦韆以
達陽氣 端午以艾插門或佩兩耳兒童繫五色
線食角黍飲雄黃酒 七夕女子用瓜果盛庭中
乞巧 七月十五以麻穀懸各門首亭午請而祭
之以瓜果紙供薦祖塋 中秋用瓜果餅豆相餽
遺以助賞月 重陽蒸花糕 十月朔各祀祖塋
定襄縣誌 卷之一 地理二十一

冬至俗缺拜賀之禮

臘月初八煮白粲加棗

栗榛杏以為糜曰臘八粥 二十四日祀竈以錫

除日更桃符飾門貼春聯門神慶賀新節節序

城關村疇各建廟社春祈秋報咸有樂舞酒醴牲

牢歲以為常 祈報

按禮傳云觀民風者奢則示之以儉儉則示之以禮夫禮也者中而已矣習俗相沿固難驟更與其紛華相軋毋寧樸澁無文是在司風化者轉移其間也